

奏之召姑句使證之不肯擊之姑句數以牛羊賕吏求

出不得姑句家矛端生火其妻股紫阪師古曰阪音子侯反謂姑

句曰矛端生火此兵氣也利以用兵前車師前王為都

護司馬所殺今久繫必死不如降匈奴即馳突出高昌

壁入匈奴又去胡來王唐兜國北大種赤水羌師古曰比近也

音頻寐反數相寇不勝告急都護都護但欽不以時救助唐

兜困急怨欽東守玉門關玉門關不內即將妻子人民

千餘人亡降匈奴匈奴受之而遣使上書言狀是時新

都侯王莽秉政遣中郎將王昌等使匈奴告單于西域

內屬不當得受單于謝罪執二王以付使者莽使中郎